

2091

84
m - 42

1909

2011

ՀՐԱՏԱՐԱԿՈՒԹԻՒՆ ԱՇԽԵԱՆ ԳՐԱՏԱՆ

ԽԵՆԹԵՐՈՒՆ

Բ Ժ Ի Շ Կ Լ

ԿԱՏԱԿԵՐՊՈՒԹԻՒՆ ՄԵԿ ԱՐԱՐ

Թարգմանեալ ի Գաղղիերէնէ



ՔԻՆԱԽՆԴԻՐ ԾԱՌԱՅ

ԹԱՐԳՄԱՆԵԱԼ Ի ԳԱՂՂԻՆՐԵՆՔ

ԿԱՏԱԿԵՐՊՈՒ ՄԵԿ ԱՐԱՐ



2003

ԳԻՆ 60 ՓԲ.



Կ. ՊՈԼԻՍ

Տպագր. ԶԱՐԵՀ Ե. ՊԵՐՊԵՐԵԱՆ

1909

ՀՐԱՏԱՐԱԿՈՒԹԻՒՆ ԱՇԽԵԱՆ ԳՐԱՏԱՆ

Ար ԽԵՆԹԵՐՈՒԻՆ

34

14-42

Բ Ժ Թ Կ Ը Ը

ԿԱՏԱԿԵՐԴՈՒԹԻՒՆ ՄԵԿ Ա.ՐԱՐ

•••••••••••••••

Թարգմանեալ ի Գաղղիերէնէ



Ա. ՊՈԼԻ.ԻՍ

Տպագր. ԶԱՐԵՎ Ն. ՊԵՐՊԵՐԵԱՆ
1909



3659



ԽԵՆԹԵՐՈՒԻՆ ԲԺԻՇՎԱԼ

Զորս կողմէն դռներով սենեակ մը

Տ Ե Ս Ի Լ Ա .

Գլեռ եւ Մարիկը

Վարագոյրը բացուեիու միջոցին Գլեռ սեղանին առջեւ նսած է,
ի զ Մարիկը վարի դռնեն կը մտնէ

Մերի
Ֆրանսուա Մէրլօի եղբօրորդին
Օվրէ Բժիշկ
Գլեռ Բժշկին աղջիկը
Մարիկը Սպասուհի
Երեք սպասաւորներ

Տեսարանն է բժշկին տունը

6831-57

9

Գլեռ — Մարիկ'թ, ժամը քանի՞ն է արգեօք :

Մարիկ'թ — Սրահին ժամացոյցը հիմայ վեց զարկաւ :

Գլէ — Ա՛հ Մարիկ'թ, էմսի տաք աղբիւրներէն վերադարձնէս ի վեր զգացած տրտմութիւնս չեմ կրնար բացատրել :

Մար — Բայց ի՞նչ պատճառաւ օրիորդ, կարծեմ դաշնակնիդ զարնելով կրնաք հանգիստ ժամանակ անցունել :

Գլէ — Երգերէ ա՛լ կը ձանձրանամ :

Մար — Լաւ, բայց միթէ Բօլոնիակ անտառը : Երթաք պտտիք, չէ՞ք կրնար զբունուլ :

Գլէ — Զբոսանքէ ալ զզուեցայ

Մար — Եւ փառք յաւիտեանս ամէն : Ուրիշ ի՞նչ մնաց որ ըսեմ, ուրեմն գեղեցիկ երիտասարդի մը հետ զբօսնեցէք :

Գլէ — Մինչեւ ցարդ սիրտս գրաւող մը չգտայ :

Մար — Զարմանալի՞ բան, էմսի աղբիւրները գտնուած ատեննիդ ձեր սրտին ու բնութեանը յարմար մէկը չկրցա՞ք գտնել :

Գլէ — Մարիկ'թ, դուն խե՞նթ ես ի՞նչ ես :

Մար — Ներեցէք օրիորդ, ա'լ խենթ չեմ:

Գլէ — Առաջ՝ ալ խենթ չէիր:

Մար — Առաջները ձեր հօրը հրամանին անհնաղանդ չգտնուելու համար խենթ էի, որպէսիւտեւ հայրերնիդ ինքնքը առաջին կարգի խենթերուն բժիշկը կարծելով միշտ կը պարծենար, ես ալ զինքը իր արհեստին մէջ յառաջացնելու և փայլուն անուն մը վաստկցնելու համար առաջուց խենթ ձեւացայ:

Գլէ — Ո՞չ, ի՞նչ դժուարին արհեստ, մարդ այն խենթերուն մէջ ի՞նչպէս կրնայ ժամանակ անցնել:

Մար — Ընդհանրապէս ինքինքը ամենէն խելացի կարծող մարդը ամենէն աւելի խենթ է:

Գլէ — Փառք Ասուուծոյ, որ մենք այն տեսակ խենթերէն ազատ ենք:

Մար — Ճշմարիտ է. և հայրերնիդ ալ անհնգիստ ընող բանը միթէ ասիկայ չէ. իմ խենթ ձեւանալս ալ իւր սիրով գրաւելու համար էր, խեղճ մարդը իմ խենդութեանս հաւտալով սկսաւ խել մը գեղեր շինել, հիմա ալ, իրոքէ իւր ձեռք առած միջոցներէն և տռած գեղերէն արէկցայ, ուրախութենէն ամսականու աւելցուց:

Գլէ — Այո՛, աշխարհիս մէջ իւր գեղերէն ու արհեստէն ի զատ ուրիշ բան մը աչքին չերեւար, առ այժմ հօրս հետ սիրով ենք, մինակ անցեալ օր իսկ ջուրերը գտնուած առեննիս ինձ պատահած մէկ գէպքը պատմելէս՝ քիչ մը նեղացաւ:

Մար — Ի՞նչ գէպք էր այն:

Գլէ — Քեզի չի վերաբերիր:

Մար — Իմ միտքս եկածը այն երիտասարդ պարոնն է, որոյ գործածած գեղերը ձեր հօրը գործածած գեղերէն աւելի կ'ազդէ սիրահարեալ օրիորդաց:

Գլ — Մարիէթ.

Մար — Օրիորդ, ահա հայրերնիդ կուգայ, և շատ ալ մտմտուքի մէջ է:

Տ Ե Ս Ի Լ Բ.

Նոյնի եւ Բժիշկը

Բժիշկ (Մառայից) — Տուած պատուէրներուս աղէկ ուշադրութիւն ըրէք, չըլլայ որ պանհօններուն քովէն հեռանաք,

կերի տակառները միշտ լեցուն պահեցէք ջրով, կարելի է խենթ մը կը բերեն և պաղ ջուրը կոխել հարկ կ'ըլլայ. համկըցա՞ք, ահա այսչափ, հիմայ կրնաք գործերնուգ երթալ:

Գլէ — Բարի լոյս, հայր իմ:

Բժիշկ — Բարի լոյս աղջիկս: Մարիէթ, հիւանդ մը կամ խենթ մը բերի՞ն:

Մար — Ո՛չ տէր իմ, մէկը չերեւաց:

Բժ — Զարմանալի՛ բան, այս հիւանդութեան համար ունեցած վարպետութիւն ամենեւին ուրիշ մէկը չունի. խենթ մը իր գլխուն մազերէն բռնեցի՞ր մի, ամենէն առաջ կակացուցիչ և ամոքիչ զեղեր գործածելու է, ետքը արիւնը գլուխը ցատկելով՝ քիթը, ականջները և աշուլներուն մէջը կարմրիլ սկսելուն պէս՝ անմիջապէս վրան յարձակելու, քիթը և կամ ականջները խածնելու է: Ասուուծոյ հրամանաւը և արհեստիս զօրութեամբը 5 վայրկեան չանցած բժշկութիւնը կը գտնայ: Ահա այս ականջ խածնելը բժշկութեան վերջին միջոցն է: Ամերիկացիք իմ այս ականջ խածնելու կանոնակենդանեաց վրայ կը գործածեն եղեր. բայց ես մարդկանց վրայ փորձելով վերջապէս յաջողեցայ, և օրինակներէս մէկն իմ Մարիէթ սպասուիս է:

Մար — Ի՞նչ կը հրամայէք տէր իմ:

Բժ — Ամենեւին վրայէն ալ չի ցուցներ ինչ աստիճանի ուժով ըլլալը. սա բռնածը կը բրցանէր, ամէն բան տակն ու վրայ կընէր. նախ կակուզ բռնեցի, նուազարանին անոյշ ձայնովը զինքը զրունեցուցի, որովհետեւ նուազարանը մարդուս ջիղերուն թուլութիւն կուտայ:

Մար (Մեկուսի) — Առաջին կարգի խենթը ինքն է:

Բժիշկ — Ե՛ս, այս, ես փափաքեցայ որ արհեստս փալւ առնու, և վերջապէս յաջողեցայ:

Մար (Նոյնպէս) — Կամաց կամաց սկսաւ փախցնել:

~~Բժիշկ~~ Բժիշկ — Մարիէթ, Պաթիսթինի խմացուր որ կառքս պատրաստէ: (Մարիէթ մեկնի)

Գլէ — Հայր իմ, այս օրերս սրտանեղութիւն մը կ'զգամ:

Բժիշկ — Աղջիկս, հազար անգամ ըսած եմ քեզի թէ որտնեղութիւն մը ունեցածիդ պէս սա զերքը կարգալու ես (Պիրք մը տայ):

Գլէ — Բայց սիրելի հայր իմ, այս զերքը բժշկութեան վերաբերեալ զերք մը ըլլալուն ես բան մը չեմ հասկնար:

ԲԺԻ — Այս իմ հեղինակութիւնս է, կարդա՛, կտրդա՛
որ մտիկ ընկենք :

ԳԸԼ — Էօ՛ֆ, սիրսո պիտի նեղացնէ :

ԲԺԻ — Կարդա՛ ըսինք ա՛ :

ԳԸԼ (Կարդա՛) — «Խենդութիւն ըսուածը մարդուս ըղե-
ղին վեր գար երերաշէն և անհանգստութենէն յառաջ եկած
հիւանդութիւն մ'է. ասկէ կը ծագի սէր, ցաւ, կորուստ,
վախ եայլն եայլն : կալէստ անուն անուանի բժիշկը իմ քովս
գեղագործ անդամ չկընար ըլլալ :»

ԲԺԻ — Ի՞նչ աղւոր գրուածք, Քիչ խօսքով շատ բան
հասկցնել, այս գրչին տէրը ահա ես եմ, այս գլխէն ծնունդ
առած են այս խօսքերը, ասոնք ամենը մէկ տեղ մը հա-
ւաքուենուն պէս կ'ըլլան սէր :

ԳԸԼ — Ըսել է որ հայր իմ, շատ անգամ սէրէն կը յա-
ռաջանայ խենդութիւնը :

ԲԺԻ — Այս՝ աղջիկս, խենդութեան առաջին պատճառը
սէրն է :

ԳԸԼ — Դարման մը չի գտնուի՞ր արդեօք :

ԲԺԻ — Ասոր գարմանը եթէ բռնուողը կի՞ն է, պէտք
է որ էրիկ մը առնէ, իսկ եթէ մարդ մ'է՝ պէտք է կի՞ն մը
առնէ կարգուի, ասով կը բժշկուի, ար կալէստ անուն ըը-
ժըկին ըստին պէս, ե՞ս եմ ես՝ ամէն տեսակ հիւանդու-
թիւները բուժողը, այսինքն սիրահարելները և . . .

ԳԸԼ — Ահ

ԲԺԻ — Աղջիկս, ի՞նչ է այդ սրտիդ խորէն քաշած հա-
ռաչանքդ, ելիքորական զօրութեամբ կիմացնէ ինձ թէ՛ ո՛
Ֆրանսուա Մէրլօ, ո՞ւր ես, ի՞նչ եղար :

ԳԸԼ — Ի՞նչ հրաշք, ինչքն հասկցաք :

ԲԺԻ — Այս՝ այդ ձայնը ականջիս և սրտիս թելերուն
զարնուեցաւ չկարինուեցաւ հասկցայ :

ԳԸԼ — Բարց ի՞նչ է հասկցածնիդ :

ԲԺԻ — Եւ կը զարմանամ թէ այսչափ ատենէ ի վեր
քեզի սիրահարեալ այն երխտասարդը տակաւին չերեւար,
շատ բան շատ բան :

ԳԸԼ — Հայր իմ գուռք զինքը չէք ճանչար, միւսիւ
ֆրանսուա Մէրլօ պարկեշտ և քաղաքավար անձ մըն է, ա-
սոր հետ, շատ ալ վախկոտ է, ամենեւին չեմ կարծեր որ
ինքն անձամբ գալ և մեր գուռք զարնէ, իմսի տաք աղ-

բիւրները առաջին անգամ զինքը գիմաւորելուս՝ երեսս նա-
յելու անգամ չկրցաւ համարձակիլ, բայց իւր իմ վրայ ան-
հուն և անկեղծ սէր մը ունենալը քաջ գիտեմ:

ԲԺԻ — Քեզի բան մը ըսի՞ր էր առաջուց . խօսք մը
բացա՞ծ է :

ԳԸԼ — Թէպէտեւ անգամ մը հետք խօսակցեցանք բայց
ամօթխածութենէն չի համարձակեցաւ իւր սիրուն վրայ
խօսք բանալ . ուստի քանի մը անգամներ մօրաքոյրս կան-
չել տուեր էր ինդիրը անոր բանալու համար :

ԲԺԻ — Եւ մօրաքոյրդ գէմ չի կեցա՞ւ :

ԳԸԼ — Ընդհակառակը օգնեց մեզի :

ԲԺԻ — Մօրաքոյրդ ալ առաջին աստիճանի խենդ մըն
է եղեր, անշուշտ օր մը զինքը իմ ներքին և արտաքին կա-
նոնացս արամագրութեանցը կ'ենթարկեմ:

ԳԸԼ — Ինչո՞ւ սիրելի հայր իմ, մօրաքոյրս խենդ պիտի
ըլլայ, Մ. Ֆրանսուայի համար ձեզի բերած տեղեկութիւն-
ներէն գուք ալ գոհ եղաք . միթէ մոոցա՞ք անոնք :

ԲԺԻ — Գնա գա թշուառական ցնդած պառաւը ինծի
կանչէ :

Տ Ե Ս Ի Լ Գ.

Նոյն Մարիեր

Մար — Կառքերնիդ պատրաստ է տէր իմ .
ԲԺԻ — Աղջիկս, եթէ կ'ուզես ինձ մտիկ ընել, մոռցի՛ր

այդ երիտասարդը, մոռցի՛ր . ու ուրիշ մը գտնել նայէ :

ԳԸԼ — Ո՛չ, հայր իմ ո՛չ, չեմ կրնար զինքը մոռնալ :

ԲԺԻ — Թէ որ հրամանիս չը հնազանդիս ետքը պիտի
զզաս, ահա այսչափ . հիմա զլխարկս տուր :

ԳԸԼ — (Տայ) Ահաւասիկ :

ԲԺԻ — Սենեակդ քաշուէ . ես քանի մը խենդերու այ-
ցելութեան կ'երթամ . հոս չեղած ատենս խենդ մը կամ հի-
ւանդ մը բերելու ըլլան նէ՝ աղէկ մը կապեցէք որ փոր-
ձանք մը չելլայ :

Տ Ե Ս Ի Լ Գ.

Մարիէթ (Եսէր) Ֆրանսուա և Մէրլօ .

Մար — (Մինակ) Քանի մը օրէ ի վեր մեր բժշկակետ
Մ. Օվրէ Տօգթօրը բնութիւնը փոխեր է, իրը թէ ես խենդ

եմ եղեր և ինքը զիս բժշկեր է. կ'երեւի թէ զիս պիտի ճամբէ. այն ատեն ո՞ւր պիտի երթամ, տեղ մը չունիմ, մէկը չեմ ճանչնար: ծար մը գտնելու է, ա՛հ, աղէկ միտքս եկաւ նորէն խնդթեցայ ըսելով սկսիմ տանը մէջ եղածները կոտր տել այն ատեն չթողուր որ քովչն հեռանամ: (Դրսէն ձայներ) Ֆրան (դրսէն) — Ա՛լ ասկէ անդին չեմ երթար:

Մէրլ (Մենելով) — Կալիֆօրնիա չպիտի երթանք ա':

Ֆրան — Ամօթ քեզի հօրեղբայր որ զիս անպատուեցիր:

Մէր — Ի՞նչպէս, անպատուելը ի՞նչ ըսել է, գեռ հիմա ձեռքերդ քակիցի, միթէ չնորհակալ չե՞ս, տե՛ս, ա՛լ ազատ ես. (Մարիկիր) կ'աղաչեմ օրիսրդ, միւսիւ տօգիօրը հո՞ս է.

Մար — Ոչ, գուրս ելաւ:

Մէր — Դուրս ելաւ մի':

Մար — Բայց չուշանար հիմա կուգայ:

Մէր — Եթէ մինչեւ առաւօտ ալ սպասել հարկ ըլլայ՝ պիտի սպասենք:

Մար (Մերլօվ) — Արդեօք պարո՞նը ...

Մէր (Կամաց) — Խենդ է օրիսրդ, խենդ է:

Ֆրան — Հօրեղբայր, ե՞ս մի խենդ եմ, ա՛հ:

Մար (Ես խառւելով) — Ի՞նչ եղաւ, ի՞նչ ունի:

Ֆրան — Օրիսրդ, գուք աղջիկ մ'ունիք այնպէս չէ:

Մէր (Կամաց մը Մարիկիր) — Ահա նորէն փախուց:

Ֆրան — Ներեցէք համարձակութեանս, այն օրիսրդը կ'ուզեմ ինձի կին սառուլ:

Մէրլ — Խե՞զ տղայ... ինձ մտիկ ըրէ:

Ֆրան — Այս հօրեղբայր:

Մէր — Օրիսրդը չիբնար աղջիկ մը ունենալ, որովհետեւ

ինքն ալ տակաւին աղջիկ է:

Ֆրան — Ներեցէք օրիսրդ, եթէ գիտնայիք որչա՛փ կը սիրեմ զինքը, խելքս թռուցեր եմ, ա՛հ, օրիսրդ, եթէ այս գործը ձեր ձեռքէն գալու ըլլար՝ անանկ կը կարծեմթէ պիտի գթայիք ինձ:

Մար — Իրաւունք ունիք պարսն, (Մեկուսի) ես աղէկ մը որոշեցի երկուքէն որուն խենդ ըլլալը. բայց հիմակու հիմա ձայն չհանենք: (Մեկնի)

Ֆրան — Շիտակը, հօրեղբայր, սա ինձ ըրած անպատութիւնդ ամենեւին լսուած ու տեսնուած բան չէ. ձեռ-

քերո կապելով կառք մը նոտեցուցիր և շիտակ բժշկին տունը բերիր, բայց ըսէ տեսնեմ, ի՞նչ պատճառաւ ասանկ ըրիր, ի՞նչ կայ:

Մէրլ — Մարկ ըրէ որ լսեմ, քեզ կառք նոտեցուցի՝ որպէս զի շուտ համինք, ձեռքերդ կապեցի՝ կառքէն վար չինալու համար, բժշկին տունը բերի՝ բժշկութիւնդ գտնելու համար, գո՞հ չե՞ս:

Ֆրան — Գո՞հ ըլլալէս զատ, հիւանդ ալ չեմ:

Մէր — Հիւանդ չէ եղեր, սըվոր նոյեցէք:

Ֆրա — Բայց այս տեղին անունը ի՞նչ է, ո՞ւր ե՞րք:

Մէր — Նելի քաղաքը Մ. Օվրէ բժշկին թիւ 47 տունը կը գտնուինք. (Մեկուսի) Խենդերը բժշկելու համար ինքն ալ առաջին կարգի խենդերէն մէկն է:

Ֆրան — Բայց հօրեղբայր, ես խենդ չեմ. խելքս գլուխը է, խօսքս կը ճանչնամ, և քու ի՞նչ ըսել ողելդ տակաւին չհասկցայ, միտքս հանդարտ և ամեն զգացումս տեղն է, զքեզ ապահավցնելու համար եթէ կ'ուզես՝ քանի մը ազգու ստանաւորներ ըսնէմ:

Մէր — Բասթիպիսուն անուն փիլիսոփան ալ ստանաւորներ կը շինէր, բայց ի՞նչ օգուտ, խենդը խենդ էր:

Ֆրա — Կուզե՞ս որ Լատիներէն ճառ մը լսեմ:

Մէր — Առ այժմ այդ ճառերդ պահէ, ուրիշ տաեն կը վասես:

Ֆրա — Կուզե՞ս որ աշխարհագրութեան վրայ տաենախօսեմ:

Մէր — Է՛ալ երկան ըրիր ա՛, շատ կը խօսիս կոր, հիմա քթիդ բերնիդ պատակ մը կը փակցունեմ:

Ֆրա — Բայց մտիկ ըրէ որ առաւունէ ի վեր բոլոր ըրածներնս մէկիկ մէկիկ պատեմ:

Մէր — Գրաւ կը դնեմ թէ պիտի սխալիս:

Ֆրա — Տեսնենք. ժամը 8ին սենեակս մտաք. զիս անկողնէս հանեցիք. ես ալ զուլպաներս հագայ:

Մէր — Հա՛ք նայիմ, հտեւէ ետեւ հագածներդ շարէ:

Ֆրա — Աղաչեցիր որ ի միասին դուրս ելենք, ես չընդունեցայ, գուն ստիպեցիր, ես կատղեցայ, գուն բարկացար, հիմա ի՞նչպէս, կրնա՞ս գարձեալ խենդ ես ըսել:

Մէր — Համբերէ՛, հիմա կը տեսնես:

Ֆրա — Զեռուըներս կապելու համար Ժէրմէն օգնեց ձեզի, թշուառականը այս իրիկուն պիտի վրնտեմ, 13 աւուրչէք առնելիք ունի, ամսիը 30 ֆրանքէն 13 ֆրանք կ'ընէ պահանջը, կը տեսնի՞ս հիմա, միտքս ամփոփ չէ^o, ըրած խօսքերուս մէջ խենդութեան նշան մը կա՞յ:

Մէր — Շարունակէ՛, հիմա կը տեսնաս:

Ֆրա — Բայց սիրելի հօրեղբացր իմ, կ'աղաչեմ. մէկդի թող այդ կատակները, հիմա տեսնողը չը տեսնողը ի՞նչ կը կարծէ:

Մէր — Ի՞նչ կայ որ:

Ֆրա — Դուն աղջիկ մը ունիս:

Մէր — Ահա գարձեալ փախուց, ես աղջիկ մը ունիմ եղեր հէ^o, ես որ տակաւին կարգուած չեմ, կենացը մէջ չը կարգուղ մարդ մը կրնա՞յ զաւիի տէր ըլլալ:

Ֆրա — Հոգ չէ՛ դուն աղջիկ զաւակ մը ունիս այնպէս չէ^o:

Մէր — Ա՛ թուոցիկ փախուկ. չունիմ ըսի, կեցիր ինձ մտիկ ըրէ, դուն հօրեղբօր որդի ունի՞ս:

Ֆրա — Ո՛չ չունիմ:

Մէր — Ես քու հօրեղբացրդ չե՞մ:

Ֆրա — Այս, մօրս էրկանը եղբայրն ես:

Մէր — Շատ աղէկ, եթէ ես զաւիի տէր եղած ըլլայի, քու հօրեղբօր որդիդ եղած պիտի ըլլար. ըսել է որ դու հօրեղբօր որդի չունիս, ես ալ զաւակ չունիմ, հիմա հասկցա՞ր դդում գլուխ:

Ֆրա — Բաւական է զայն գտնելու համար օգնես:

Մէր — Զօ՞վ գտնելու համար:

Ֆրա — Այն օրիսրդը՝ որ այս ամառ իւր հօրաքրոջը էմսի տաք աղբիւրները եկած էր:

Մէր — Անունը ի՞նչ է:

Ֆրա — Գլէու:

Մէր — Այդ Գլէուը ո՞վ կ'ըլլայ կոր:

Ֆրա (Փետուլով) — Գլէու նոյն ինքը:

Մէր — Նորէն փախուց:

Ֆրա (Խնիմիրեն խօսելով) — Օր մը ըստ իմ սովորութեան զանոնք տեսնելու համար այցելութեան գացի, հոն չգտայ, գացեր էին, այս գործը դաշոյնի վէրք մը բացաւ սրտիս, տակն ու վրայ եղայ, ինքզինքիս գալով՝ բարեից խօսքերուս մէջ խենդութեան նշան մը կա՞յ:

հասեր էի, շոգեկառքէն դուրս ցատկեցի, աճապարանքէս սնտուկս հոն մոռցայ, կառք մը նոտայ, կառավարին շուտով փազցո՞ւր պուացի, իսկ գարշելի կառավարը տեղէն չէր երերար, քիչ մնաց որ թշուառականը պիտի խեղդէի, զիս Գլէուին տունը տար ըսի, փողոցին անունը և տանը թիւը հարցուց, վերջապէս գրուած թուղթ մը տուի իրեն, մարդն ալ զիս շիտակ քու տունդ բերաւ, ըսել է որ գու աղջիկ մը ունիս, և եթէ ինձի տալ կ'ուզես:

Մէր (Մեկուսի) — Ա՛հ, միւսիւ Օվրէ, եթէ յաջողիս սա՛ տղան բժշկել՝ աշխարհիս մէջ անունդ չպիտի մոռցուի, օ՞ն օ՞ն սանկ նստէ, նստէ որ հանգստանաս:

Ֆրա — Հանգստանա՞լ կ'ուզես, արգէն հանգիստ եմ հօրեղբայր:

Մէր — Գիտցիր զաւակս թէ ինչ որ ընեմ քեզ՝ քու քակիդ օգտին համար է. քեզ Մ. Օվրէ բժշկին տունը բերի, ձեռքէս եկած ծախըք չիմնայելով քու բժշկութելուդ կը ցանկամ: Սստուծով, իմ փափաքանացս պիտի հասնիմ. վասն զի այս մարդուն համար ամեն ատեն լրագիրներուն մէջ շատ մը գովասանութիւններ կը կարգամ. ահա քովս ալ ունիմ. (Լրացիր մը հանելով կը կարդայ). «Օվրէ բժշկը մեծարոյ ժողովրդին ազգ կ'առնու թէ՝ նէլի քաղքին մէջ մեծ որահ մը պատրաստած է բժշկութեան վերաբերեալ ամեն աեսակ գործիներով, ամեն տեսակ հիւանդութիւնք մանաւանդ խենդերը բժշկելու պատրաստ տեսակ տեսակ նուազարան, գըրեիներ և այլ ամեն գործիք... (Մեկուսի) հա՛, աս ի՞նչ է. կարծեմ կր քնանայ, զարմանալի բան, 8 օրէ ի վեր քընացած չունէր, բժշկին տունը բերի ըբերի քունը տարաւ, բժշկութեան արհեստին աս ալ մեծ պատիւ մէ, քնացիր զաւակս, քնացիր, աղւոր աղւոր երազներ տե՛ս. բժշկը գալուն պէս քեզ իրեն պիտի յանձնեմ. գու պատրաստ ստակէտ 6000 ֆրոնքը անոր պիտի տամ, գու որ 30000 ֆրանք ունիս անշուշտ մնացեալ 24,000ը ինձի պիտի մնայ:

Ֆրա (Միկ բեկով) — Այ, այ, այ:

Մէր — Քեզմէ ինձի մնացած ստակը. ըսել կ'ուզեմ թէ՝ սա իմ քեզի համար տշխատածիս փոխարէն. որովհետեւ... (Կը բնանայ):

Ֆրա (Մեկուսի) — Ա՛հ, ա՛հ, սյս ի՞նչ չար սիրտ հօրեղբայր մը ունիմ եղեր:

Մէր — Ո՛հ, Աստուած իմ. այսօր ալ օդը ո՛րչափ տաք կ'ընէ չեմ գիտել ինչ կ'ըլլամ. վրաս թռութիւն մը կայ. արդեօք քիչ մը քնանա՞մ կ'ըսես. (Կը բնանալ)

Ֆրա — Արդեօք իրա՞ւ է որ կը քնանայ. կեցիր անգամ մը փորձենք. չի՛շտ. չի՛շտ. չորթնցաւ... հէփշի՛ւ. ո՛հ Աստուած իմ չարթննար... ո՛հ իմ գարշելի և թշուառական հօրեղբայրս, հիմա ի՞նչպէս ես, զիս խենդի տեղ դնելով բժշկին տունը կը բերմօ. հիմա տեսնենք երկու քնինէս ո՞վ է իրաւ խենդ եղողը. (Անոր ձեռ իերը չուանով եր կապէ) աշ հա եղաւ, ալ հանգիստ եմ:

Տ Ե Ս Ի Ե.

Նոյնէ եւ Բժիշկ

Բժի — Ներեցէք պարսնայք զձեղ սպասեցնելուս: Ֆրա — Ար'սո, լսեցէք:

Բժի — Ի՞նչ կայ, ի՞նչ է եղեր:

Ֆրա — Պարո՞ն բժիշկ, սա պառկող մարդը իմ հարազատ հօրեղբայրս է, զոր կ'ուզեմ ձեր առողջացուցիչ միջոցներուն յանձնել, 40-45 տարեկան տնձ մը, սակայն յոգնութենէն և չքաւորութենէն ձանձրացած. վերջապէս լինտո՞ր ըսեմ, ահա այս վիճակին մէջ ինկաւ:

Բժի — Բոլորսպին ինքզինքը կորսնցուցա՞ծ է:

Ֆրա — Ո՛չ տէր, մինակ պատճառի մը համար է, երեմն ասանկ բաներ կը պատահի:

Բժի — Է ի՞նչ է եղեր պատճառը:

Ֆրա — Ո՛հ տէր բժիշկ, չարտորտութեամբ կ'ուզէ և կը ցանկայ որ հօրմէս աւելի հարստանայ, այս պատճառաւ գիշեր ցերեկ մտատանցութեամբ կը նեղուէր. այս մտատանցութիւնը հետզհետէ աւենալով վերջապէս խելտարեցաւ, անանկ որ այսօր իւր ունեցած խենթութիւնը կ'ուզէ դիմացինս վրայ ձգել, խեղճ անանկ հաւատացած է որ կ'ըսէ թէ խենթեցողը ես եմ, և հիմա ալ լաւ զիտեմ որ եթէ արթննայ՝ նոյնը ձեզի ալ պիտի կրկնէ:

Բժի — Հոգ չէ, թող կրկնէ:

Ֆրա — Սակայն տէր բժիշկ, նայեցէք որ ձեռքերնուդ չի փախցնէք, որովհետեւ վտանգաւոր բան է:

Բժի — Դուք անհոգ եղիք, իմ ծառաներս կրնան զինքը գիւրութեամբ խելօքցնել:

Ֆրա — Ի՞նչ ընելի քնիդ դուք աղէկ զիտէք:

Բժի — Դուք մէկդի կեցէք որ ես զինքը արթնցնեմ:

Ֆրա — Հրամանը ձերն է տէր իմ:

Բժի (Փետրուր մը ֆիրը կը խառնէ) — Այս փետուրով պէտք է ամենէն առաջ քիթը շօշափել:

Մէր (Փանիտա) — Է՛, ո՞վ է այն քիթս խառնողը:

Բժի — Բարեկամ, ինձի նայէ, սիրելի բարեկամ, բաւական քնացար:

Մէր (Արքինայ) — Այո՞... ի՞նչ կայ. ի՞նչ է ան. ինչո՞ւ զիս արթնցուցիք... օ՛, առտու եղեր է, ի՞նչպէս ալ ջիղերս թուլցեր է. (Անելժիսայ) աս ի՞նչ է, ձեռուըներս ո՞վ է կապեր, հասկցայ, քնացած ատենս, հա՛, հա՛, հա, աղէկ կատակ քու գործդ է:

Ֆրա — Հինգ վայրկեանէն կ'ոկտի սաստկանալ:

Բժի — Դուք ինձի ձգեցէք, խենթերս հետ վարուելուն կերպը ես շատ աղէկ գիտեմ, ինչպէս, ըսէք նայինք աղէկ քնացածք, ի՞նչ երազներ տեսաք:

Մէր — Դու՞ն ինչ կ'ըսես պէ՛ մարդ երազ մերազ տեսնող չի կայ:

Բժի — Մի՛ որդողիք բարեկամ, բժիշկ մը ամեն բան հարցնելու աղատ է:

Մէր — Ա՛ գուք բժի՞շկ էք, և զիս ալ խենթ կը կարծէք. որովհետեւ ձեռքերս խենթիք պէս կապուած է, իրաւունք ունիք, քեզի անամօթ թշուառական քեզի, կ'աղաչեմ Պ. Բժիշկ սա ձեռքերս քակեցէք որ խնդիրը ձեզի բացատրեմ:

Բժի (Աշերուն մէջ նայելով) — Է՛հ հոգ չէ, կրնան քակուիլ, (Կը բակի) ահա քակեցի, բայց զիս չստիպես նորէն կապելու:

Մէր — Ի՞նչ ըսել կ'ուզէք, իմ հոս գալս սա եղբօր որդիս գարմանել տալու և...

Բժի — Շատ աղէկ, շատ աղէկ, քիչ մը ետքը ատոր վրայ կը խօսակցինք:

Մէր — Քիչ մը ետքը մի՛, կարծեմ թէ սինչեւ իրիկուն
պիտի մնանք, գիտցիք Պարոն Բժիշկ թէ եղբօր որդիս:
Բժի — Այս՝ գիտեմ խենդ է:

Մէր — Կապուելու արժանի խենթ մ'է:
Ֆրա (Բժեշկի) — Արդէն ձեզի չիմացուցի՞:

Մէր — Ասոր ալ ապացոյց ահա սա չուանով զինքը
կապած էի:

Բժի — Բայց պարո՞ն, այս չուանով դուք կապուած
էիք, գեռ հրմա քակեցի: մտքերնուգ ելա՞ւ:

Մէր — Իրաւունք ունիք, ես կապուած էի բայց ասոր
հետ խենթը ե՞ս կը համարուիմ, չնորհ ըրէք տէր իմ որ
խնդիրը ձեզի իմացնեմ. էօ՛ֆ... այ չար սատանաց, ինքը..
բանը....

Բժի — Այդչափ մի՛ շտապէք բարեկամս որ տակն ու
վրայ չըլլաք, արիւնիդ կ'աւրուի, մինակ հարցումներուս
պատասխանեցէք... գուն եղբօրորդւոյդ համար կ'ըսես թէ:
Մէր — Խենթ մ'է, տէր իմ, խենթ է:

Բժի — Լաւ, անոր խենթութենէն գուն գ՞ո՞հ ես,
Մէր (Մեկուսի) — Ասիկայ իրեն ո՞վ իմացուցեր է:

Բժի — Աներկիւղ պատասխանէ ինձի. եղբօրորդւոյդ
այս հիւանդութենէն չագատիլը չե՞ս սպեր:

Մէր (Մեկուսի) — Ա՛ն Աստուած իմ, ո՞վ է ըսեր ասոնք:
Բժի — Բնական է որ անոր սեռնելէն ետքը ունեցած
հարսուոթիւնը ձեզի պիտի իշնայ, անանկ չէ՞ և դուք որ
միշտ հարսուստ ըլլալ կը փափաքիք...

Մէր — Ոչ տէր իմ, սխալ է ատոնք. (Մեկուսի) չես
հասկնար. այս ամէնը ուսկից գիտէ կոր:

Բժի (Ֆրանսուային) Ականչին ձայներ կուգայ կոր...

Մէր — Այս՝ կը լսեմ կոր, ի՞նչ ըսել է, խո՞ւլ եմ ես,
Բժի — Կը զառանցէ:

Մէր — Չեմ զառանցեր, չեմ զառանցեր, սխալ է ձեր
կարծիքը Մ. Տօքթօր, իմ խելքս գլուխս է, հարցուցէք
նշան մը կա՞յ վրաս:

Բժի — Խենթութիւն ըսածդ եթէ այսպէս շուտ մը ե-
րեւան ելլար՝ դարմանն ալ դիւրին կ'ըլլար,

Մէր — Բայց ես խենթութիւն չունիմ, խենթ չեմ չէ՞ք

հասկնար, հիմա պիտի ճաթիմ, ալ չեմ դիմանար. (Մարիե-
րը տեսնելով) ահ, ահա հիմա կը հասկնանք. օրի՛որդ դուք
Օվրէացի չէ՞ք:

Մարի — Ո՛չ պարոն:

Մէր — Հոգ չէ, բայց շիտակը ըսէ՝ մեր երկուքէն ո՞վ
է խենթ եղողը. Ե՞ս մի եղբօրորդիս:

Մարի — Կատա՞կ կ'ընէք պարոն:

Բժի — Մարիէթա շիտակը ըսէ, այս երկու պարոնները
տեսածիդ պէս որո՞ւն վրայ խենթութեան նշաններ տես-
նուեցաւ:

Մարի — Սակայն տէր իմ... (Մելօն ցուցնելով) այս
պարոնը միւս պարոնէն աւելի խենթութէլառ խօսքեր ըրաւ:

Ֆրա — Ասոր ալ խրատ տուողը ես չե՞մ ա:

Մէր — Ե՞ս խենթ եմ... կորաւէ՛ ուլնկէց թշուառական
ցնդած գուն ալ:

Մարի — Պարոն բերանդ քեզ ժողվէ:

Մէր — Կեցիր, մի միայն սա ըսէ. երկուքէս որո՞ւն
ձեռքը կապուած էր:

Մարի — Միտքը չէ պարոն, ես ցնդած եմ:

Մէր — Միտքդ չէ՞ մի, քեզի թշուառական քեզի:

Մարի — Քանի որ կը փափաքիս՝ ուրեմն, միւսին հա-
մար անանկ թող ըլլայ: (Մեկիր)

Մէր — Անդին կորուէ՛ աչքիս առջեւէն ցնդած շլստի:

Ֆրա — Հանգիստ եղած տաենը հօրեղբօրս խօսքերը
մտիկ կ'ըլլուի՛ բայց հիմա...

Մէր — Ով Աստուած իմ, հիմա իրաւ պիտի թոցնեմ:

Ֆրա — Ա՛ն տէր բժիշկ հօրեղբօրս այս վիճակը տեսնե-
լով խիստ կը ցաւիմ վրան, բայց սա ալ գիտեմ թէ դուք
հիւանդներնիդ զաւկըներնուգ պէս կը հոգաք, այս պատճա-
ռաւ ձեզի ձանձրութիւն չը տալու համար կրկին կրկին ա-
ղաչէլը մէկդի կը ձգեմ, Աստուածով զալ շարթու կուգամ ձե-
զի հետ նորէն տեսնուելու:

Մէր — Իրաւ խենթենալու բան է աս, ես տակաւին կը
կարծեմ թէ կատակ է ըրածնին:

Ֆրա — Շարթուս մէջ օր մը կուգամ կը տեսնուինք:

Մէր (Պօռալով) — Ի՞նչպէս, կ'երթայ կոր. բռնեցէք

տէր իմ, մի՛ թողուք, խենթը ան է, ես խենթ չեմ, սխալած էք դուք:

Ֆրա — Հանգիստ եղիր իմ սիրելի հօրեղբայրս, հանգիստ եղիր, մի՛ վախնար, քեզ Մ. Տօքթօրին կը յանձնեմ, Աստուծով պիտի խնամէ և խելքդ գլուխդ բերէ, անհոգ եւ զիր և առաջմ մնաս բարեաւ:

Մէր — Ֆրանսուա՛, Ֆրանսուա՛:

Ֆրա (Մէկեն ի մեկ) Ա՛:

Մէր — Հա՛, ահա հիմայ փախուց:

Բժի — Ի՞նչ եղաք:

Մէր — Կեցէ՛ք Տէր իմ, մ'աճապարէք:

Ֆրա — Ա՛, Տէր իմ, դուք աղջիկ մ'ունի՞ք:

Մէր — Խմացա՞ք ա, դուք աղջիկ մը ունիք եղիր:

Բժի — Այո՛ Պարոն, բայց ի՞նչ ըսել կ'ուզէք:

Ֆրա — Աղջիկ մը ունիք, անունն ալ Գլէո:

Մէր — Ահա հիմա կատարելապէս փախուց:

Բժի — Այս անունը Գլէո է:

Ֆրա — Երիք ամիս առաջ հօրաքրոջը հետ էմսի տաք աղբիւրները գացած էր այնպէս չէ:

Մէր — Հազար ապրիս, կեցցէս. ի՞նչ աղէկ ժամանակին խենթութիւնը բռնեց:

Բժի — Այո՛ պարոն, այս ամառաղջիկս էմսի ջուրերն էր:

Մէր — Աս ի՞նչ է, դո՞ւք ալ մի փախուցիք Պ. Տօքթօր, հիմա հասկցաւ թէ դուք բժիշկ չէք, այլ այս տունը եկող խենթերէն մէկն էք. կը զարմանամ թէ ի՞նչպէս կ'ըլլայ որ ասոր պէս խենթերը հանգիստ կը թողուն:

Բժի — Մտիկ ըրէ ինձ բարեկամ, թէ որ խելօք չկ կենա՞քեղ պաղ ջուրին պանեօն կը խօթեմ:

Մէր (Ես խօսւելով) — Ան չէ ամա, իրաւ աս մարդը վտանգաւոր խենթ մէ եղիր:

Բժի — Շարունակեցէք խօսքերնիդ կ'աղաչեմ:

Ֆրա — Գիտցիք ուրեմն տէր բժիշկ, թէ ձեր աղջիկը կաթողին կը սիրեմ, և անանկ կը կարծեմ թէ ինքն ալ փոխադաբար զիս կը սիրէ իեթ մետքը փոխած չէ, հրաման տուէք ինձ որ զայն ինձ կնութեան առնելու համար ձեզի աղաշեմ:

Բժի — Ըսել է որ Մ. Ֆրանսուա Մէրլոն դուք էք:

Մէր — Հէ՛, ի՞նչ կ'ըսէ, եղբօրորդիս կը ճանչնայ եղիր: Ֆրա — Այս տէր իմ, ուրեմն ամենէն առաջ անունս իմացնելու է ձեզ:

Մէր — Ի՞նչ ըսաւ, ի՞նչ ըսաւ:

Բժի — Ներեցէք Պ. Ֆրանսուա, գիտէ՞ք թէ զմեզ որ-չա՞փ սպասեցուցիք:

Մէր — Անո՞ր կ'սպասեն կոր եղիր:

Ֆրա — Ըսել է որ ինծի կ'սպասէիք:

Մէր — Ի՛, ասոր վերջը ո՞ւր պիտի երթայ:

Բժի — Պարո՞ն, օրիսրդ Գլէո, իմ աղջիկս ամեն բան պատմեց ինծի:

Ֆրա — Ըսել է որ զիս կը սիրէ:

Բժի — Կը հարցնե՞ս, միշտ ձեր վրայ կը խօսի:

Մէր — Կը սիրէ եղիր մի, ալ համբերութիւնս հատաւ:

Ֆրա — Բայց հիմա ո՞ւր է օրի՞րդը:

Մէր — Իրաւ օրիսրդը ո՞ւր է, սլվիկայ ինծի ցըցուցէք իրեն պզտիկ սիրունիկ քօթօթ մը ընծայեմ:

Բժի — Հիմա, Գլէո, Գլէո:

Մէր — Ահա եկաւ:

Գըլ (Ներսէն) — Ի՞նչ կը հրամայէք հայր իմ, ահա եկայ:

Ֆրա — Ա՛, ինքն է:

Տ Ե Ս Ի Լ Զ.

Նոյնի եւ Գլէո

Գըլ — Մեծդ Աստուած, Պ. Ֆրանսուա Մէրլոն հո՞ս, ա՞հ տէր իմ:

Բժի — Տակն ու վրայ եղան:

Ոէր — Ի՞նչ կ'ըլլան կոր:

Բժի — Ի՞նչ պիտի ըլլան, ուրախութիւն երջանկութիւն:

Մէր — Զեցէք հոգինիդ սիրէք. կատակերգութիւն կը խաղանք:

Գըլ — Մ. Ֆրանսուա, Մ. Ֆրանսուա՛, ինքզինքնուդ եկէք:

Բժի — Ա՛, օգնութիւն քիչ մը ջուր, օտք քօլօնեը.

Քացախ բերէք, չուտ ըրէք: (Ծառայք մտնեն եւ ջուր բերեն)

Մէր — Ան չէ ա՛, Պ. Տօքթօր սա խաղին վերջը ո՞ւր

պիտի երթայ.

Բժի — Դուն լոէ:

Մէր — Լոէն ի՞նչ է, ինչու պիտի լոեմ:

Բժի — Եթէ հանդարտ չկենաս, զքեզ կը կապեմ:

Մէր — Բայց պարո՞ն, գուք զիս իրա՞ւ խենթի տեղ
դրիք:

Գըլ — Հայր իմ, Մ. Ֆրանսուան աչուքները բացաւ,
յուշաբերեցաւ:

Ֆրա — Գլէ՛ռ, Գլէ՛ռ, ուր ես. ո՞չ կարծեցի թէ զքեզ
դարձեալ կորուսի:

Գըլ — Ոչ սիրելիս, քովդ եմ,

Ֆրա — Ա՛չ Գլէ՛ռ, գիտե՞ս թէ որչա՞փ կը սիրեմ զքեզ:

Մէր — Ի՞նչ կ'ըսեն, հոն տեղ ի՞նչ կ'ընեն:

Բժի — Զե՞ս տեսնար, զիրար կը սիրեն:

Մէր — Կ'ըցցես պէ մարդ, դուն ալ ձգեր ես որ ուզածնին
ընե՞ն:

Բժի — Իրենց ամուսնանալուն հաճութիւն տալէս ետ-
քը ալ ինչո՞ւ չթողում:

Մէր — Ալ հիմա պիտի ճաթիմ, ես հաճութիւն չունիմ,
ես չեմ ուզեր:

Բժի — Կամաց կամաց սկսաք համը փախցնել պարո՞ն,
կիմանա՞ս... Գլէ՛ր աղջիկս, ներս գացէք և Մ. Ֆրանսուան
հօրեղօրդ ներկայացուր:

Մէր — Ի՞նչպէս, ի՞նչպէս, նե՞րս երթան մի՛.

Բժի — Մ. Մէրլօի հետ քիչ մը պիտի խօսակցինք,
ուստի առանձին թողուցէք մեզ: (Ծառաներուն ականջներեն
կը բարան)

Գըլ — Ներս երթանք տէր իմ: (Կ'երբան. Բժիւկը Մէրլօն
կը բնեն)

Մէր — Մի թողուք որ երթան պարո՞ն, հիմա պիտի
ճաթիմ:

Բժի — Է՛ ալ երկնցուցիք պարո՞ն, վերջացնենք.

Մէր — Ալ կարողութիւնս չը մնաց. վերջացնենք սա-
դորձը:

Բժի (Ծառայից) — Հասկցա՞ք. հիմա կրնաք երթալ:
(Ծառայիք մեկնին)

Տ Ե Ս Ի Լ ի.

Բժիւկ եւ Մէրլօ

Բժի — Հիմա գանք ձեզի:

Մէր — Բայց կ'աղաչեմ չերկնցնենք, ըսելիքնիդ շուտ
ըսէք. վասն զի ժամանակ չունիմ, պիտի երթամ:

Բժի (Թեւերը սօրտ) — Շատ աղէկ, շատ աղէկ:

Մէր — Ի՞նչ է ան. կո՞ն պիտի մորթէք ի՞նչ պիտի ընէք:

Բժի (Մեկուսի) — Ինձի կարգապահութիւն պէտք է.
մի վախնաք պարո՞ն վասակար բան մը չէ:

Մէր — Նստեցէք որ եղօրորդւոյս վրայօք խօսիմ. ա-

նիկայ քիչ մը խենթ է դուք ալ ելաք աղջիկնիդ անոր տալու:

Բժի — Ո՛չ, ինձի՞նայէ. դուն իմ գործիս չես կրնար
խառնութիւ:

Մէր — Աղէկ ա՛, ազդարարութիւններնուդ մէջ ասամնկ
բան մը գրած չէիք:

Բժի — Ժիլէներնուդ այսինքն բաճկոնիդ կոճակները
քակէ:

Մէր — Ի՞նչո՞ւ:

Բժի — (Միրը միմիկ կ'ընէ) Մերերար:

Մէր — Ալ համբերութիւնս հատաւ. հիմա պիտի ճաթիմ:

Բժի — Մնտուկին շինուածքին մէջ պակաս բան մը չեմ
տեսներ:

Մէր — Ի՞նչ հրամեցիք:

Բժի — Մի վախնար բան չկայ կոճկըլէ:

Մէր — Եթէ ինձ մտիկ կ'ընէք, աղջիկնիդ եղօրորդւ-
ոյս մի տաք:

Բժի — Կեցիր գլուխդ ալ մտիկ ընենք (Գլուխը կը
սեղմէ):

Մէր — Այ, այ, զիս խեղդել կ'ուզես մարդ:

Բժի (միմիկ ընելեն եսքր) — Խորունկ, բայց մէջը պարապ:

Մէր — Կ'աղաչեմ Պ. Տօքթօր, սա գործերէն վազ եկուր:

Մէր — Կ'աղաչեմ մի՛ բարկանայք:

Մէր — Ի՞նչպէս չի բարկանամ, հիմա կատաղութենէս
պիտի ճաթիմ. արիւնս սկսաւ գլուխս ցատկել. մտիկ ըրէք
ինձ. զիս գոհացնել կ'ուզես պարո՞ն, էօֆ, սա ի՞նչ փոր-
ձանքի հանդիպեցանք ով Աստուած. ես ձեր միտքը հաս-

կցայ. դուք խենթերուն բժիշկն էք, ունեցած արհեստնիդ և վարպետութիւննիդ աշխարհի լմացնել կը փափաքիք. այս պատճառաւ դեմերնիդ ելլող մարդը խենթ կարծելով փորձերնիդ անոր վրայ կ'ընէք, սակայն գիտցած եղիք թէ զուր տեղը կ'աշխատիք, ինչու որ իմ վրաս խենթութեան նշաններ չպիտի կրնաք գտնել, ուստի եկէք վերջացուցէք սա գործերը, խօսք կուտամ ձեզի որ խենթ մը աղեկցնելու համար որչափ ստակ որ պիտի պահանջէք՝ նոյն գումարը ձեզի կը վճարեմ, ասոր ի՞նչ կ'ըսէք:

Բժի — Ամեն ինձ եկող հիւանդներն ալ այսպէս կ'ըսէն օձիքնին ձեռքէս ազատելու համար, բայց չեն կրնար զիս համոզիլ:

Մէր — Ըսել է որ զիս բռնութեամբ հոս վար պիտի գնէք, ալ բաւական է, չուտով եղբօրորդւոյս քով տարէք զիս:

Բժի — Մի՛ աճապարէք:

Մէր — Սըւոր նայեցէք, մի աճապարէք ալ կ'ըսէ, կատաղութենէս ալ հիմա կը ճաթիմ, թողէք Պ, Տօքթոր, թողէք որ սընկէց կորսուիմ երթամ:

Բժի — Ի՞նչ զարմանալի մարդ ես. ես զքեզ հոս կապած եմ, ազատ ես, կրնաս երթալ:

Մէր — Վերջապէս ճամբու եկաւ, չնորհակալ եմ. պարոն, մասք բարով, բայց գիտցիք թէ այս մարդավայել վարմունքնիդ ամենեւին չպիտի մոռնամ, (Դուռը կ'երթայ գոց գտնէ) աս ի՞նչ է, դուռը գոց է... աս կողմինը բաց ըլլալու է. ա՛յ, աս ալ գոց է... է՛ պարոն ալ համը փախուցիք, հիմա քեզ հնդկահաւի պէս կը փեթամ:

Բժի — Աըիւնը սկսաւ եռալ, կամացուկ մը ականջը խածնելու է:

Մէր — Պ. Բժիշկ, բաց կ'ըսէմ սա դուռը, պիտի բանս ապա թէ ոչ...

Բժի — Բարեկամ, գիտցիր թէ ես քու աղէկութեանդ համար կ'աշխատիմ:

Մէր — Բացէք կ'ըսէմ սա դուռը:

Բժի — Այ չարաձճի, ի՞նչպէս ընեմ մէյ մը սըւոր ա-

կանջը խածնիմ:

Մէր — Կ'աղաչէմ բացէք սա դուռը:

Բժի — Բայց բարեկամ, (Ականջը կ'ուզէ խածնել) զիս այսպէս տուանձին ձգելով կ'ուզէք երթա՞լ:

Մէր — Վրաս մի՛ գար, մի՛ մօտենար, հեռուանց բարելոյս:

Բժի — Այ թշուառական, չկրցայ խածնել:

Մէր — Աս դուռը պիտի բանա՞ս թէ ոչ:

Բժի — Եկուը նախ հաշտուինք:

Մէր — Բայց...

Բժի — Դարձեալ չը յաջողեցայ:

Մէր — Ինչ կայ չիկայ ամենքն ալ պիտի կոտրտեմ քու գլխէդ սկսելով: (Վրան կ'երթայ ախացի կը զարնէ)

Բժի — Օն ուրեմն քեզ տեսնեմ:

Մէր — Քանի որ այս հարուածները քեզի օգուտ մը չունին՝ ես ալ ինչ կայ չիկայ պատուհաննէն վար պիտի նետեմ:

Բժի(Ետեւեն կը վազէ ականջը կը խածնէ) — Բայց բարեկամ:

Մէր Այ, այ, այ:

Բժի — Ո՛հ, վերջապէս խածի:

Մէր — Ո՛հ խելքս գլխէս գնաց, մեռա՛յ, բաց կ'ըսեմ սա դուռը: (Վրան կը յարձակի եւ նիտը կը փարտուի)

Բժի — Մաթէօ դուռը բաց:

Մէր — Վերջապէս ճամբու բերի, (Դուռը կը բացուի եւ երկու հոգի մասեկայով Մերլոի վրայ զուր կը սրսկեն) ո՛հ սա ի՞նչ է. կրա՞կ կայ ի՞նչ կայ, կորսուեցէք, կորսուեցէք:

Բժի — Քովս մի՛ մօտենար:

Մէր (Դուռ առջեւ երթալով) — Առաջ դուք հրամացէք անցէք:

Բժի — Ես իմ տունս կը գտնուիմ, դուք հիւր էք դուք հրամացէք: (Կ'երթան ծառալից հիտ)

Տ Ե Ս Ի Լ Բ.

Ֆրահսուա եւ Գլեն

Ֆրա — Այս սիրեցեալդ իմ Գլէռ, իմսի տաք աղբիւր-ները ձգել երթալնիդ իմ վրաս խորին տպաւորութիւն յառաջ բերաւ, այնպէս որ քու սիրոյդ սաստկաւթենէն երկայն

և վտանգաւոր հիւանդութենէ մը ետքը ինքղինքս կորսլնցուցի, ոչ հօրերնուդ անունը գիտէի և ոչ բնակած քաղաքնիդ, սակայն ամեն գէմն ելլողին զծեղ կը հարցնէի, ո՞հ Գլէն որքան գժուարին բան է ինենթ ըլլալը:

Գլը — Ըսել է որ յիրաւի հիւանդ էիք:

Ֆրա — Անշուշտ, սիրոյս սաստկութենէն:

Գլը — Գիտէ՞ք ամենէն աւելի ինչ բանէ կը վախնամ, մի գուցէ հիւանդութիւններնուդ հետ սիրոյդ կրակն ալ մարի:

Ֆրա — Քաւ լիցի, ես միշտ զքեղ պիտի սիրեմ և պաշտեմ:

Գլը — Խիստ բարի, բայց հօրեղբայրդ ո՞ւր է:

Ֆրա — Իրաւ հօրեղբայրս ո՞ւր է, զիս հոս առաջնորդողը նա ինքն էր թէպէտև խնդրայն ինչ ըլլալը չգիտնալով, ինչ որ է քանի որ անոր պատճառաւը զքեղ գտայ՝ ինձ ըրած անպատճուռթեանց ամենուն համար կը ներեմ:

Գլը — Ահա հայրս կուգայ, իրեն հարցնենք:

ՏԵՍԻԼ Թ.

ՆՈՅԲԻ ԵՒ ԲԺԻՇԿ

Ֆրա — Տէր իմ, հօրեղբայրս ո՞ւր է:

ԲժիՇԿ — Հօրեղբայրդ պաղ ջսւրին պանեօն է:

Ֆրա () — Ո՛հ, Աստուած իմ:

ԲժիՇԿ — Մինչեւ որ տակառին մէջ խօթեցի մօրմէս ծըս մտաւ, մինչեւ կոկորդը աղջուրին մէջն է, երկու հոգի ալ քովը կայնեցուցեր եմ որք միշտ գոյլերով ջաւը կը լեցնեն զլիեն ի վար, ձեռքերն ալ կապուած է չերերալու համար, բայց ամենէն առաջ ականջը խածնել մը խածի որ գետնէն երկու կանգուն վեր սկսաւ ցատկուտել, սա խեղճ ծերունին եթէ յաջողիմ բժշկել՝ մեծ համբաւ պիտի ստանամ,

Ֆրա — Աղէկ, բայց իմ հօրեղբայրս խենթ չէ:

ԲժիՇԿ — Գնա բանդ գուն ալ, զիս աւանսակի տեղ գրիր,

ես իմ արհեստո չիտեհօմ, ասկէց զատ միթէ գու չէիր ըսողը:

Ֆրա — Կարծեմ թէ ես ըսած գիտեմ, քաւ լիցի, մի-

նակ իմ խօսքիս կարօտ չես. գուք ձեր միջոցները ի գործ գրէք, բայց նա հիմա ինձի դէմ բարկացած է:
ԲժիՇԿ — Բարկացածն ալ խօսք է, փրփրած, կրակ կըտրած է:

Ֆրա — Ահ, խեղճ հօրեղբայր:

ԲժիՇԿ — Ահա կուգայ:

ՏԵՍԻԼ Ժ.

ՆՈՅԲԻ ԵՒ ՄԵՐԼՈ

Մէր — Եթէ մէկը ելնէ պաղ ջուրի պանեօի խօսք բանայ ինձի՝ կատղած շան մը պէս վրան յարձակելով բղիկ պղիկ պիտի ընեմ:

Ֆրա — Ահ, հօրեղբայր իմ, ներէ ինձ:

Մէր — Քեզի թշուառական քեզի, շուտով սա տունէն դուրս ելլանք:

ԲժիՇԿ — Մաճապարէք բարեկամ, կեցէք որ խելքերնիդ աղէկ մը գլուխնիդ գայ:

Ֆրա — Կեցէք որ խօսինք, մտածէ անգամ մը հօրեղբայր, կը գայլէ՞ք քեզի, խմացայ որ քու շահուդ համար իմ անունս խենթ հաներ ես:

Մէր — Լոէ՛, լոէ՛, ատիկայ ո՞վ ապուր կերեր է:

Ֆրա — Իմացայ որ իմ հարստութեանս աչք ունենալուդ համար . . .

Մէր — Դեռ կը մրմույ, ապուր են կերեր այդ լուղները, ձայնդ քաշէ:

Ֆրա — Զայնդ քաշէ կ'ըսեմ քեզի:

Ֆրա — Եւ կը փափաքիք եղեր որ իմ ողջ եղած ատենէս սկսիք հարստութիւնս . . .

Մէր — Դեռ կը մրմույ, ապուր են կերեր այդ լուղները, ձայնդ քաշէ:

Ֆրա — Ո՛չ, մինչեւ որ զիս չամուսնացնես՝ չպիտի լուեմ:

Մէր — Պ. տօքթօր, աղէկ գիտեմ որ այս երկու երիտասարդները զիրար կաթողին կը սիրեն, ասոնց կարգուելուն ես հաջութիւնս կուտամ:

Ֆրա — Ահ, սիրելի հօրեղբայր:

Մէր — Եյ պարսն տօքթօռ, ըսէ նայիմ, հիմա ալ խենթ եմ:

ԲժիՇԿ — Ոչ, խելքերնիդ գլուխնիդ է, բայց իմ արհես-

տիւ և գործած մէթոտներուս չնորհակալ ըլլալով մեծ համար մը վաստկելու համար ինձի ստորագրութիւն մը տալուէք:

Մէր — Ե՞ս ստորագրութիւն տամ:

Բժի — Ուրիշ բանի համար չէ, մինակ բժշկութեանս փայլ մը տալու համար:

Մէր — Արհեստնո՞ւդ համար, շատ աղէկ, (Փողովրդոց) պարո՞նայք, ձեզ կը ներկայացնեմ խենթերուն բժիշկը միւսիւ Օվրէն, այս արհեստին մէջ ունեցած յաջողութիւնը, խենթերը բժշկելու համար գործածած մէթոտները գովելի են, մանաւանդ այն պաղ ջուրին պանեօն այս տեսակ հիւանդութիւնները անմիջապէս բռուժելով, քիչ ատենի մէջ կապուելու խենթերը կը խելօքցնէ, եթէ ձեր մէջէն իրեն հետ առանձին դէմ առ դէմ տեսնուելու փափաքող կայ՝ Նոր փողոցին մէջ թիւ 47 տունը ամեն օր մինչեւ ժամը վեց կը բնայ:

Ֆրա — Բայց սա ալ չի մոռնանք ըսել թէ, ինքզինքը խելացի կարծողը առաջին աստիճանի խենթ է, ասոր հետ մէկտեղ, ի՞նչ խենթեր ունիմ որ, շատ մը խելացիները ծախու կ'առնեն, նմանապէս, ի՞նչ խելացիներ ունիմ, որ խենթերուն ձեռքովը կը կապուին:

ՔԻՆԱԽՆԴԻՐ ԾԱՌԱՅ

ԹԱՐԳՄԱՆ ԵԱԼ Ի ԳԱՂՎԻԵՐԷՆԻ

ԿԱՏԱԿԱԽՈՂ Մէկ ԱՐԱՐ



ՎԱՐՍԳՈՅՐԸ Կ'ԻԶՆԵ

Կ. ՊՈԼԻՍ



Քիմախնդիր Ծառայ

Կ Ա Տ Ա Կ Ա Խ Ա Դ Լ Մ Է Կ Ա Ր Ա Ր

[Վայելուշ սենեակ մը]

ՏԵՍԻԼ Ա.

Թիէթոօ (Առանձին) — Ա՛լ համբերութիւնս հատաւ, այս
լոնչ անտանելիք բան է եղեր հարուստ կարծեցեալ անկուտի
մարդու քով ծառայելը, հացագործը չխտար, նպարավաճառը
կը վոնտէ, մսավաճառը երես կը դարձնէ, վասն զի ա՛լ համբ
փախուցինք, և մեր պարոնը փոխանակ այս եղածներէն յու-
շաբեքելով գործի մը ետեւէ ըլլալու՝ անհոգ անփոյթ ու
ձեռնունայն անոր ասոր տունը փորիկը կը կշտացնէ: իշեղձ
աիկին մայրը ալ անօթութեան չդիմանալով՝ քրոջը տունը
գնաց, քիչ օրէն ես ալ պիտի փախչիմ, մոտածելով որ ամ-
սականներս ինձմէ առաջ աս տունչն փախչելու ձամբան
բռնեցին, զի օրական հացը գտնել չկրցող ծառայ մը
կարելի՞ բան է որ ամսականները առնել յաջողի անկուտի
պատույն չդպչելու համար չըսենք ծակ գրպան) տիրոջ ձեռ-
քէն: Այսօր ստակ պիտի գայ, վազը պիտի գայ ըսելով հա-
մոզեներուն վերջը չեկաւ, ուստի մեկնելէ առաջ միտքս
որի իրեն լաւ դաս մը տալ, իր խօսքերուն հաւատացող
օրիորդաց ալ խրատ մը՝ որպէս զի չխարուին այսպիսի ան-
կուտիններու արտաքին երեւոյթներէն և շացուցիչ խօսքե-
րէն: Աւեն օր չորս օրիորդաց նամակ կը տանինք նամակ
կը բերենք, մեր պարոնը տարած նոտմակներնուն պատաս-
խանները առնելուն պէս՝ գրասեղանին գլուխին անցած ժա-
մերով կ'զբաղի ստանաւորներ գրել, ձեռաւորներ շինել,
տողը տողին բերելու համար մատուցներովը համբելներ, կը
կարդայ, կը խնդայ, կ'աւրէ, կը գըե, կը միզէ, լմնցնելէն

ետքը՝ զլուիլը կը սահմարէ կը զարդարուի և ճամբար կ'ելլէ գիշերուան ժամը ութին վերադառնալով անկողին մտնելու ու մինչեւ հետեւեալ օրուան ժամը վեց խոկալու համար : Ո՛չ, ո՛չ, ալ բաւական է, այս ամենուն առաջքը առնելու համար երէկ առ օրիորդ Մելանի գրած նամակը տարի օրիորդ էօժէնիին յանձնեցի, օրիորդ էօժէնիին նամակն ալ Մելանիին, լինուալին նամակը Անժելին՝ Անժելին ալ լինուալին, ասանք ընելէս ետքը բերանացի իմացուցի իրենց թէ վաղը ժամը վեցին կրնան անձամբ մեր տունը գալով պատասխանել, զի տէրս վեցէն առաջ անկողնէն չելլելու ծուլութիւնն չըսենք թէ ոռփորութիւնն ունի : Ո՛չ, եթէ յաջողինք՝ արդարեւ շատ գեղեցիկ տեսարան մը պիտի ըլլայ և... (Ներսէն հազարու ձայն) ահա արթնցաւ, հիմա կուգայ, և բարի լոյս չըսած՝ նամակ պիտի հարցնէ :

ՏԵՍԻԼ Բ.

Նոյն եւ Ալպեր (Անլարդար)

Ալպ — Բիէթոօ :

Բի — Ի՞նչ կը հրամայէք տէր իմ :

Ալպ — Նամակները եկա՞ն :

Բի — Ո՛չ տակաւին :

Ալպ — Զարմանալի բան, ժամը հինգն է և տակաւին նամակ մը եկած չէ :

Բի — Անհոգ եղիք տէր իմ, հիմա ուր որ է ծայրը կը փրթի, ժամանակը անցունելու համար երէկի եկած նամակները անգամ մ'ալ աչքէ անցունելով զբաղեցէք, ես հիմակու հիմա մառանը աւելելու կ'երթամ, պէտք ըլլամ նէ կանչէ : (Մեկնի)

Ալպ — Աղէկ բոիր Բիէթոօ, անանկ կ'ընենք, (Գրասեղանէն նամակներ հանելսվ), աս էօժէնիին է, թէեւ գեղեցիկ՝ բայց ի՞նչ օգուտ, հարստութիւն չունի, (ուրիշ մը առնելով) այս ալ Անժելին է, խեղճ աղջիկ, խոստանցս միշտ կը հաւատայ, հա՛, հա՛, հա՛, (ուրիշ մը առած) սա սխտորի կեղեւն ալ լինտայինը ըլլալու է, այո՛, ճիշդ, բաւական կծու գրեր է այս անգամ, կամ զինքը կնութեան առնելու՝ և կամ տանը գոնէն ներս մանելու չեմ եղեր, և

այս ալ վերջին պատգամն է եղեր, որչա՛փ աճապարել, վերջնագիր մը ուղղելու ենք ասոր թէ մենք շտապող և քըթէն չքոնուող սիրուհիներէ չենք ախորժիր, (ուրիշ մը առնէ) ո՛հ, Մելանի պյօր զիս ճաշի կը հրաւիրէ, եթէ չերթանք՝ կը վշտանայ, պէտք է հնազանդիլ իր հրամանին, (Բիէթոօ իյնալով ելլելով մտնե տնչարգել) :

Բի — Տէր իմ... ինքը... բանը... օրիորդ... Անժելին կողմանէ...

Ալպ (Ընդիմջելով) — Նամակ եկաւ, ո՞ւր է :

Բի — Ի՞նչ նամակ, խելքդ միտքդ ալ նամակին է վազեր, հօրեղբայրը եկաւ Պ. Էտուարը :

Ալպ — Ի՞նչ... և ուսկի՞ց յառաջ կուգայ այս անակնկալ այցելութիւնը :

Բի — Ի՞նչ կը զարմանաս տէր իմ, միթէ օրիորդ Անժել քու նշանածդ չէ՞ց, գու որ անսնց տունը ամեն ատեն կ'երթամ՝ հիմս ալ անոնք փորադարձ այցելութեան կուգան, ասոր համար սիրտդ ինչո՞ւ թունդ . կը հանես, միայն սա՛ գիտցիր թէ շաքար չունինք, «Սուրճ մը եփէ» մի՛ ըսեր :

Ալպ — Այսպէս առանց կանխաւ իմացնելու գալ:

Բի — Է՛, ի՞նչ ընենք, բան մ'էր եղաւ, և խօսքը մէջերնիս՝ առաջուց ալ իմացնելու ըլլային նէ՛ գարձեալ շաքար չպիտի կրնայինք ճարել, զի ես չունիմ, դուն չունիս և նպարավաճառը երեսս նպած չունի :

Ալպ — Բայց ե՛ս ի՞նչ կ'ըսեմ, գո՛ւ ի՞նչ կ'ըսես :

Բի — Անանկ է, նպինք եկողը ի՞նչ կ'ըսէ, բայց հոգ չէ մէկ տունէ կը սեպուինք, ահա եկաւ :

ՏԵՍԻԼ Գ.

Ալպ. եւ Էտուար (Բիէթոօ կը մեկնի)

Ալպ (Ընդ առաջ երթալով) — Ո՛հ, դո՛ւք էք սիրեցեալդ իմ խոռուար, ի՞նչ բարեղաղդութիւն որ զձեզ կը հիւրընկալեմ, ո՛հ խիստ երախտապարտ եմ այսպէս զիս պատուելուուդ համար :

Էտ — Քաւ լիցի, հոս գալուս պատճառը օրիորդ Մելանի անսուան ուղղեալ նամակ մը բերել էր, զոր սիալմամբ

մեր տունը զրկած էիք։ (Նամակը կը հանե եւ գրասեղանին վրայ կը դնե)

Ալպ (Գոլնահատ եւ կափազելով) — Ո՞հ, բա ա այց այդ նամակը . . . իմ գրչէս ելած չէ . . . սխալմունք մը ըլլալու է, (ՏԵԿՈՒՍԻ) թշուառակա՞ն ծառայ։

Էտ — ինդհակառակն, ճիշդ ձեր գիրն է ինչպէս և բատորագրութիւնը։ Օրիորդ Անժել սաստիկ վշտացած է ձեր այս ընթացքէն և հակառակ ձեր այնքան խոստմանց՝ թէ ուրիշ մը չէք սիրեր և . . .

Ալպ — Ներեցէք բարեկամդ իմ յիշեցնել ձեզ թէ շատ գրեր իրարու կը նմանին, ստորագրութիւնս ալ կրնան կեղծել, զի օրիորդ Անժելի ձեռքը խնդրելէս ի վեր նախանձուներ շատ ունեցայ, եթէ բարեհաճիք վայրկեսն մը սպասել՝ զլուխս սանտրեմ և ի միասին երթանք օրիորդ Անժելի վիշտը փարատել և հանդարտեցնել, այս՝ վատահ եմ թէ իմ անմեղութեանս պիտի հաւատայ, (Այս միջոցին Բիերու սենեկին դուռը բանալով՝ զլուխը երկնցնե եւ ձեռքն ունեցած փայտիաչիր (չերելի) կը ցուցնե՞ բսելով)։

Բի — Տէ՛ր իմ, չտար կոր։

Ալպ (Բիերոյի մօտենալ եւ ցածին) — Լոէ՛, կամաց խօսէ, չ՞ս գիտեր թէ հիւր կայ։

Բի (Անոր պէս ցածին) — Փայտհաշիւը լեցուեր է, հացագործը ա՛լ չտար . չտալէն ետքն ալ աչքը գոցեր բերանը բացեր կամ բերանը գոցեր աչքը բացեր ստակ կուզէ, ստակ։ Ալպ (Սասելով) — Լոէ՛ կ'ըսեմ քեզի։

Բի (Թարձր) — Ինձի՞ն այլէ տէր իմ, ես քեզի պէս փորս ասդին անդին չեմ կշտացներ, նզովից ծնունդ մարդուն ալ չեմ կրնար խօսք հասկցնել, աս որչա՞փ ատեն անօթի պիտի մնամ։

Ալպ — Բայց կ'աղաչեմ, Բիերուո՛ լոէ՛։

Բի — Բայց գիցուք թէ ես լռեցի, փորս չկրնար այլ եւս լռել. ասոր ի՞նչ պիտի ըսես։

Էտ — Ի՞նչ կայ Պ. Ալպէո, արգեօք Բիերուոյի բա՞ն մը պատահեցաւ։

Ալպ (Նուարեալ) — Ո՞չ սանկ քիչ մը վախցեր է խեղճը։ Բի — Վախն ալ խօ՞սք է. հացագործին ալ չեմ տար պուալէն, տեսնդս բռնեց։

Ալպ — Խեղճ Բիերուո՛, բաւական ատենէ ի վեր այնպիսի ախտէ մը բռնուած է որ բժիշկները արգելած են իրեն հաց ուտել մինչեւ որ լուծմունք պատահի։

Բի — Ի՞նչ կ'ըսես տէր իմ, ի՞նչ ախտ, ի՞նչ բժիշկ, ի՞նչ արգելք, ի՞նչ լուծմունք. բան չուտող մարդը բնականաբար լուծմունք ալ չունենար, դուք զիս մէկ կողմէն անլուծութեան կը մատնէք միւս կողմէն կ'ըսէք թէ լուծմունք պատահի։

Ալպ — Ալ մի՛ երկարեր Բիերուո՛, կը հասկնա՞ս, ըստ հրահանգի բժշկի, հացագործին ապսպիրեցի հաց չտալ, մայրս քանի մը շաբաթ է մօրաքրոջն տունը գնաց, ես ալ ստիպուեցայ պանդոկը ճաշել որպէս զի տանը մէջ հաց չգտնուի և դու կարենաս առողջանալ. առ այժմ քու սնունդդ պազ ջուր պիտի ըլլայ։

Բի (Անկուսի) — Ա՛յ կոկորդիլոս, կը տեսնէ՞ք, ի՞նչ վարպետութեամբ սուտերը կը շարէ։

Ալպ (Դարունակելով) — Հետեւարար Բիերուո՛, պարապ տեղը մի՛ յազնիր, մինչեւ որ լուծմունք չպատահի քեզ հաց չպիտի ուտես (Դուռը կը գարնեն)։

Բի — Կարծեմ թէ լուծմունքն սկսաւ տէր իմ։

Ալպ — Նայէ՛ ո՞վ է։

Բի (Նայենին եսքը) — Օրիորդ Մերանիին սպասուհին է, (Անկուսի) լուծմունքին ծայրը փրթաւ։

Ալպ — Ո՞վ, ի՞նչ։

Բի — Ամեն ատեն օրիորդին տարած նամակս ձեռքէս առնող կինը. (Սպասուիր մը կը մենի)։

Սպասուհին — Պարո՞ն Ալպէո, ձեր խաբերայութեան սըխալմամբ մեզի զրկած նամակէն տիրուհիս իմանալով որ դուք օրիորդ խօժէնի անունով մէկու մը սիրահարած էք՝ պաշտօն տուաւ ինձ գալ իմացնել ձեզ թէ այլ եւս մեր տունը գալ ձանձրութիւնը չառնէք, զի դուռը գոց պիտի գտնէք։

Բի — Եւ փառք յաւիտեանս ամէն։ (Ալպէո բարկացած Բիերոյի կը նայի, Բիերու ալ երեսը անդին դարձուենիլով միմոսական շարժումներ կ'ընէ)։

Ալպ — Բայց այս նամակները մերը չեն, ո՞վ է այս։

Սպա — Երկար խօսք պէտք չէ, իմ պաշտօնս այսչափ էր, մնաք բարով։ (Անոր մեկնելու պահուն ծառայ մը կը մենի տնչարգել)։

Բի — Աս ո՞վ է:

Ծառ — Զի ճանչցա՞ք պարոն ձեր խաբերայ տիրոջ
նամակները բերելով՝ զմեղ անհանգիստ լնելներդ մոռցա՞ր:

Բի (Ալպեռը ցուցնելով) — Ինծի մ'ըսեր', անոր ըսէ',

անոր:

Ծառ — Այս, անոր պիտի ըսեմ, (Ալպեռի) Պարո՞ն, ա-
ռէ՞ք այս նամակը, որ օրիորդ Անժելի անուան ուղղեա է,
մեր տան մէջ այս անունով անձ չկայ, այսուհետեւ մաւ-
դալու ձանձրութիւնը մի՛ առնէք, կ'իմանաք պարո՞ն Ալպէո,
ա՛լ վերջ բեր:

Բի — Ոտանաւոր շինեցիք պարոն, (Ալպեռի) ի՞նչ կը
մտածես տէր իմ, այլեւս հաց պիտի ուտենք կարծեմ, այն-
պէս չէ, ըստ բաւականին լուծմունք...

Ալպ — Ահ, ճիւաղ... (Բիերո մեկնի):

Էտ — Արդ Պարոն Ալպէո, ամէն բան հասկցուեցտւ,
դուք խաբերայ մ'էք, և այս անձանց ձեղ տուած խրատը
օրիորդ Անժելի կողմէ ալ լսած համարելով՝ մի՛ յանդգնիք
անոր անունն անդամ բերաննիդ առնել, (Մեկնելու պահուն
Բիերո թեւին տակ իր հագուստին ծրագր առած կը մտնէ):

Բի — Մնաք բարով տէր իմ, այլեւս ինծի ալ գործ
չմնաց այս տան մէջ, զի վերջնական պատասխաններ ստա-
ցաք և պատասխան դրելու պէտք չունենալնուդ՝ ինծի ալ
պէտք չունիք, ասկէց զատ, հիմայ ուր որ է կինտայի կըռ-
ուարար ոպասաւորը կուգայ, զոր անօթի փորանց մտիկ ը-
նելու ժամանակ չունիմ, իսկ դուք տեարք պատգամաւորք
իմացուցէք օրիորդաց թէ ի՞նչ կ'արժեն այսպիսի սուտ պար-
ծենկոտները, թող այսուհետեւ կարեւորութիւն չիտան չէ
նմանցւնեմ մեր պարոնին պէս անկուտիներու խոստուքնե-
րուն, չըսեմ խոստումներուն: Դուք ալ տէր իմ անյիշաչար
եղիք ինչպէս որ մենք անյիշաչար եմք քու չնորհիւդ կոր-
րուսած ժամանակներնուս ամսականներնուս և մանաւանդ ա-
նօթի կենալներնուս համար: Մի՛ այսպանէք, անօթի պահուող
ծառայէ մը ասկէ աւելի լաւ ծառայութիւն չէր սպասուէր,
զի կարծեմ թէ օրիորդները աղատեցինք որտամաշ վիճակէ,
զծեղ՝ խաբերայութիւն գործելէ, և զմեղ ԱնՕԹՈՒԹԵՆէ:

ԱՇՃԵԱՆ ԳՐԱՏՈՒՆ

Կ. ՊՈԼԻՄ, ԶԱԴՄԱԳՅԱՀ ԵՐԵՎԱՆԻ ՀՈՒ, ԹԻՒ 29

Գ.ՐԱՎ.Ա.Ա.Ջ.Ա.Հ.ՐԱ.Ց.Ա.Բ.Ա.Կ.Խ.Զ.

Համատուած 1868ին

ՆՈՐ ՀՐԱՍԱՐԱԿՈՒԹԻՒՆՔ

Սուներէ հին դեմքերու 1635-1900, գրեց Յ. Գ. Մըմբեան	5
Կեանի զործածութիւն, Լորտ էլվայիւրի, թր. Գ. Ոսկեան	7
Լիակատար նոր երգարան կամ Ընդարձակ բնար Հայկական, 192 երես 172 երգ	7½
Արեւելիքի բոցեր, բանաստ. Ե. Գոլանճեան	5
Ասանայի Կեանինը, Յ. Թէրզեան	3
Կարմիր Փամուց, Արփիար Արփիարեան	5
Պարտեկ Բարոյական և Գործ Պասիարակ, Փ. Հաղարտպ	4
Վեղարաւոր Հեռուր, գրեց Սմբատ Բիւրատ	2
Մի անմեղ զոհ կամ Խորտակուած սէր, Ա. Շահնազար	2
Աւարայի արձիւր կամ Վարդանանք, Ս. Բիւրատ	3
Բիւզանդական Հայ կայսեր ու կայսրութիներ, 19 պտկ.	3
Բուրգերէն. բանասիզական երեխ, Ս. Բիւրատ	3
Կենս. Խզմիրեան և Դուրեան Ս. Աներու, Ս. Գարամաճեան	2
Խետի զոհիր, Աշուղ Շահնազար	1
Մըփի վերելք, բանաստեղծ. Աշուղ Շահնազար	2
Ազատար Բանակին խորական մուտք ի Կ. Պոլիս	12½
Ա. Խաչի Ողջակիզը կամ Կոյս մնացած կինը, Ե. Ե.	2
Ա. պիտի Համիս Բ., Մերուժան Պարսամեան	1
Ա. պիտի Համիսի չերչուրինը, Տ. Շէփիկլեան	1
Հայկական առածներ, 300 հատ, հաւաքեց Թ. Ա.	1
Հայերէն սղագրութիւն, Ա. մաս	1
Մոլորեալ համբուղք կամ Զինուորական օրեւան, կատակերգութիւն 1 արար	1
Մանուս աղբար կամ Թալլակեար Վարժապետ, կատակերգութիւն 1 արար, Տ. Փափազեան	1
Կերգութիւն 1 արար, Տ. Փափազեան	1
Բարեկենկանի անկուտիւրէր, կատակերգութիւն 1 արար	1
Երամէնի եեր եեսէ քրքար, Ալաթուրդա, Ալաֆրկ.	5
Հեղինէ կամ Խոկսին մը ի Կ. Պոլիս, Յ. Հ., Զ հար. 15	15
Թապատեառ Փիլի Ազար Աղջկետար, Տ. Փափազեան	1
Վերոյիշեալ գրատունը կը վաճառուին, կրօնականական, բանաստեղծական, թատերական, վիպակ գպրոցական գրքեր, գոհացուցիչ գնով և զեղչով:	1

2091

2013

